

**DE INEFFABILI  
TRINITATIS  
MYSTERIO ORATIO  
HABITA IN SACELLO  
PONTIFICIO ... A FR...**

---

Philippus : a Sinzendorff, Valenti  
Gonzaga



THE UNIVERSITY OF CHICAGO

LIBRARY

1900

1900

1900

1900

1900

1900

1900

(III)

*Sanctissimo Domino Nostro*  
**BENEDICTO XIV.**  
**PONT. MAX.**

**FR. PHILIPPUS A SINZENDORFF**  
**FELICITATEM.**



**U**AMQUAM *me non se-*  
*mel, BEATISSIME PA-*  
*TER, ad majestatem, & amplitu-*  
*dinem maximæ in terris Dignitatis*  
*tue*

*tua accedentem alacrem fecerit singularis, & quæ unice tua est, humanitas: non defuit tamen, quod cupientem nuper brevem, quam habui de ineffabili TRINITATE Orationem tuo nomini nuncupatam, tibi sistere, a proposito revocaret. Metus enim inceserat animo, ne illa tandem abuti viderer, si, commendationem aliquam tenuissimo huic operi meo quærens, sanctissimos pedes tuos adiissem, cum multis, iisque gravissimis curis distineris. Quem enim lateat, quot, & quam seria te negotia circumstant difficillimo hoc Christianæ Reipublicæ tempore, quo scilicet maxime, si unquam alias, tum Religionis honos, & Catho-*

tholicorum Principum concordia ,  
 cum populi carissimi salus , & fe-  
 licitas te anxium & sollicitum te-  
 nent , te inquam Pontificem Ma-  
 ximum , Principem optimum , &  
 Patrem omnium amantissimum. Ve-  
 rum , postquam mihi in mentem su-  
 biit , quam æquus tibi tantis esset  
 in angustiis animus , quantaque se-  
 curitate tantarum rerum molem su-  
 stineres , ut non ideo ad te aditus  
 alicui præcluderetur , tum demum  
 mihi redditus est animus ; & quem-  
 admodum publico bono tacite me-  
 cum gratulatus sum supremo Dei  
 consilio Divinarum , humanarum-  
 que rerum potestatem ad eum de-  
 latam , qui unus par tot , ac tantis

*curis existeret : ita me in eam spem adductum intellexi , ut voti mei compotem fore non dubitarem . Quoniam igitur nunquam satis commendatæ humanitati tuæ gravissimas inter occupationes locus adhuc remanet , ea me nunc excipias , oro , atque obsecro , parvum hoc maximi obsequii mei argumentum deferentem ; & , dum fausta omnia precor , annorumque incolumem diuturnitatem , quod Ecclesiæ , & Orbi universo multum interest , me tuis pedibus humiliter provolutum Apostolica benedictione augere non dedigneris .*

ORA-



## O R A T I O.



Uo longius, BEATISSIME  
PATER, ab humana men-  
te recedit, & omnis vim fu-  
git intelligentiæ Augustif-  
simum TRINITATIS Myste-  
rium, cujus ideo inacces-  
sam majestatem perversæ

*D. Bernard.  
serm. 1. in se-  
parat.*

curiositatis est inquirere, videre autem, sicuti est, perfectæ felicitatis: bene habet, si eo firmitus ipsi constanter adhæreat, quæ veritatis Columna, & firmamentum est, Christi nomine consecrata Religio, nosque omnes alacriori animo unum natura Deum, personisque trinum demisse venerantes profiteamur. Fide enim genus Abrahæ vocamur, quod ab eo, qui Pater est credentium, modum didicimus, quo Dei non virtutem tantum, sed multo ma-  
ma-

( VIII )

gis naturam non ad ingenii nostri coarctemus angustias ; Sed quemadmodum Abraham in spem contra spem credidit , hoc est contra id , quod naturæ ordo in Filii immolatione minabatur , ita ipsi in lumen contra lumen credamus , hoc est contra id , quod naturalis cognitio menti nostræ insinuat . Faceſſant igitur quicunque cum perditissimo Socinianorum grege evanuerunt in cogitationibus suis , & in vanas scrutationes abeuntes humana ratione Divina metiri se posse arbitrati sunt , per summam impudentiam abjicientes , quod animi cogitatione concipi nequit , & ipsi propterea non intelligerent . Ecquid enim ? Fieri ne potest , ut plenam Dei notitiam assequantur homines , quibus nec tam multa ob oculos posita undique perspecta sunt , nec sui ipsorum exploratus est animus , explorata cogitandi ratio ? Ille quidem veluti de caliginoso Monte egrediens , in Sole posuit aliquando tabernaculum suum , seque in veteri testamento per umbras , & in novo per assumptam humanitatem , qua tenuitati nostræ veluti accommodavit Pater , quod executus est in Filio , Carnis Myſterium , nobis videndum præbuit . Verum , cum illi ipsi , qui Cœlorum nomine appellati sunt , & ante faciem Patris propius , & familiarius obversantur Cherubim , & Seraphim unius

*D. Chrysost.  
hom. 14. l. 8.  
pag. 81.*

*D. Athanas.  
in illa verba :  
Nemo cognoscit Patrem  
sem. 2. p. 32.*

*D. Bernard.  
serm. 6. in  
cantic.*

*D. Athanas.  
de salut. Christi  
passio.*



(IX)

unius, trinique Numinis majestatem formidare magis, quam intueri soleant, quod per Isaiam indicatum est, ubi Divinæ præsentiae splendorem tegere videbantur, dum colerent: quæ miseris nobis tandem spes esse unquam potuit, qui nec Angelis natura sup-pares sumus, nec ejusdem felicitatis adhuc, hæreditatisque societate? Sed hinc ingens illud oritur discrimen, quod in maximam fidei nostræ vertitur gloriam, Judæos inter, *D. Athanas. tom. 1. p. 32.*  
Paganosque, Hæreticos etiam, & Christianos, *D. Basilus serm. 27. c. 4. pag. 518.* qui jure hoc appellantur nomine, quod illi superstruentes humum, ut inde Coelum attingant, inde ad ludibrium maximum misere dilabuntur juxta illud: Posuerunt os in Coelum, & lingua eorum in terram transi-vit. At Catholicæ veritatis Propugnatores humili Deo revelanti assensione tenent, quod animo suapte natura divinorum impatienti, nec attingere quidem possent. Gratulemur igitur, quod Synagoga non credit, Philosophia non sapit, Ecclesia tamen intelligit, illud ab eadem nobis traditum esse, ac manifestatum. Gratulemur, quod nos Deus e tenebris, & umbra mortis vocare dignatus sit in admirabile lumen suum, ut Scripturarum, traditionumque auctoritati inhærentes, ipsi revelanti ea credamus, quæ nec cogitare ipsi possumus,  
nec

*D. Hilarius de Trinitate.*

(X)

nec effari , unum Deum , eundemque , Patrem , & Filium , & Spiritum Sanctum , in unitate scilicet naturæ personarum distinctionem adorantes . Sed illud interim meminimus nihil nobis profuturam fidem nostram , nisi ad æternam vitam , quæ nobis in ineffabili TRINITATIS Mysterio ostenditur , quantum in nobis est , divino freti auxilio pervenire contendamus . Quem enim per speculum tantum in ænigmate cernere nobis datum est , dum adhuc infirmitatis nostræ præpedimur angustiis , dabitur tandem facie eum ad faciem intueri ; quæ summa , eaque cumulatissima felicitas est , si nunc , quod fide credimus , moribus præferentes ingrediamur Caritatis viam , tendentes ad eum , de quo scriptum est , Quærite faciem ejus semper .

*D. Augustinus  
Lib. 1. de Tri-  
nitate .*



**FINIS.**